

江海圖說

附海島表

光緒己亥十月
上海聚珍板印

江蘇沿海圖說目錄

吳淞

上海

寶山 小沙背附

獅子林

崇明

川沙 南匯附

金山衛 柘林 奉賢附

海門 塘蘆港附

呂四

掘港 東凌港 河北汀 環港附

新洋港口 鬪龍港附

射陽湖口

老黃河口

灌河口

高公島

墟溝 西墅附

青口

朱篷口

劉河 以下係長江

白茆口

澇浦

福山

江蘇沿海圖說

目錄

通州

江陰 靖江附

圖山關

鎮江 象山 瓜洲附

十二圩

金陵

附海島表



江蘇沿海圖說

凡例詳浙江圖說

臣朱正元恭撰

吳淞

衝要 極衝

鈐轄

屬太倉州寶山縣提標後營管轄

水路屬海門內洋水師營○舊制吳淞外海水師營兼管

沿海陸路屬蘇松鎮同治間改屬福山鎮專巡外海而以前所遺陸汛屬提後營近岸一帶水路屬海門營

里距

西北距寶山縣城塘路六里獅子林塘路十八里距福山水路

一百七十里通州一百九十餘里江陰二百九十餘里圖山關四百

四十里鎮江四百九十里金陵六百三十餘里北距崇明南門港五

十餘里大輪或紆繞至八九十里南距上海水路四十餘里陸路三

十餘里南距浙江鎮海海程三百七十里

水道

口門兩旁均有淺沙東有燈船西有浮筒以為行船標準燈船

江蘇沿海圖說

吳淞

與浮筒間亦僅深三拓故吃水稍深之船須乘潮出入口內深五六

拓至七八拓不等近西岸一帶均可泊船惟距吳淞鎮內約三里有

淺灘潮退止深十三四尺名曰內灘海關因於西面設有傳號處以

報潮汛漲落俾吃水較深之船得以乘潮過此

潮汐

朔望日潮漲於十二點二刻十分鐘大潮高一丈五尺小潮高

九尺

沙礁

口外東面有崇寶大小石頭鴨窩圓圓橫沙

以上諸沙均露水面銅沙褲

襠諸沙再東有牛皮鷄骨兩礁鷄骨礁高出水面二十六尺牛皮礁

大潮退後微露水面置有風笙浮筒褲襠沙有兩尾其向東南者於

其盡處置有鐘浮筒

鐘浮筒風蕩之則鳴風笙浮筒風吹之則鳴

城鎮

西北有寶山城內有上海城西岸有吳淞鎮

形勢

吳淞為黃浦江咽喉西為吳淞鎮少北礮臺在焉東岸地形如

牛角斗入海中以是口門雖壙衍而不散漫水道東淺而西深船路距礮臺不過半里可以臨流扼擊其再北南石塘一臺更能兼顧入長江水道地勢尤為雄勝

船隻 大商船七八十號小商船二三十號大漁船二三十號小漁船二十餘號渡船五六十號

礮臺 南石塘礮臺一所光緒十二年建置八百磅彈阿爾斯脫郎前膛礮四尊一百八十磅彈阿爾斯脫郎後膛礮二尊二十一生的克虜卜後膛礮二尊九生的克虜卜後膛礮三尊四十磅彈阿爾斯脫郎車礮六尊勇一百六十二名老礮臺因已闕作通商口岸議撤東岸礮臺淺沙淤滯船路太遠久圯

勇營 光緒二十一年辦防南石塘駐盛字二營盛字共六營又三營駐獅子林詳另款又章字營到防未久旋調防金山衛

江蘇沿海圖說

吳淞

二

綠營 額設外委一員無兵○吳淞外海水師營參將一員都司一員千總一員此兩員留配輪船又守備一員千總一員把總一員外委一員艇船二號每號兵三十二名新章外海水師以船為家吳淞及十墩口塘蘆港皆其暫駐所也

雜識 道光二十二年英人由浙洋移寇吳淞攻西礮臺破之遂進犯上海○光緒二十四年患他族之逼處議自闢西岸為通商場任各國聚居新舊兩礮臺皆劃入界內於是議棄舊而留新以新臺能兼顧長江口門也然既重門洞啓則指顧環臺盡屬市廛豈尙用武之地○崇寶沙因介崇明寶山兩縣之間得名近年西面漸坍民皆徙避海關因設檢疫所於此凡船自疫處來者須停泊候驗以免傳染內地○大小石頭及鴨窩諸沙各有居民數百戶而以再東之橫沙為尤盛有小市可得魚蔬

上海

衝要 極衝

鈐轄 屬松江府上海縣提標右營裏河水師管轄

里距 北距吳淞陸路三十餘里水路四十餘里西南距松江約百里

西距蘇州二百餘里

水道 黃浦江在楊樹浦一帶闊一里餘北岸深一二拓南岸深四五

拓下海浦寬如之深三四拓虹口至闊處一里半北岸深四五拓至

七八拓南岸僅深一二拓轉灣處即外大橋前對岸為陸家嘴此間江面極曲水流成漩不便停泊

闊止半里深八九拓至十四五拓英法租界闊一里左右深六七拓

法租界較淺東門外闊一里深五六拓法捕房前為停泊外國船隻之界自此以南

闊不及一里深五六拓至八九拓製造局前後闊至一里餘北岸止

深二三拓南岸深三四拓再南闊一里至一里餘深三四拓至五六

江蘇沿海圖說

上海

三

拓直至閔行以上不甚懸殊惟尋常輪船均止於製造局前不復上

駛

潮汐 朔望日潮漲於一點半鐘大潮高一丈一尺小潮高七尺

沙礁 自楊樹浦以外西岸一帶均係淺沙直至海關傳號處始盡舟

行須近東岸距傳號處東南七里有沙名江心沙已露水面

城鎮 上海自通商以來城北一隅之地各國於此駐領事設洋行南

北船貨如水歸壑地方繁盛甲於各省駸駸乎與香港並駕齊驅矣

形勢 上海雖濱海一邑之地內為長江之筦鑰外為南北之樞紐自

各國雜處日久遂成互相牽制之勢洵他族之淵藪海市之總匯也

船隻 本處沙船三十餘號漁船一百餘號雜船四百十號此外中西

船之停泊者輪帆蔽江不可數計

勇營 光緒二十一年辦防除原駐南馬頭之滬軍一營及製造局東

面之礮隊一營外復添派滬軍左右兩營振武一營湘軍一營分駐

日暉港徽甯會館

時原駐徽甯會館之信字營調防川沙○該處見駐奇兵營

龍華等處

綠營 額設參將一員

舊制營官係遊擊道光二十二年開關通商地方日益繁衝因改設參將

陸防守備

一員千總一員外委一員兵裁存一百十六名水師千總五員把總

五員外委九員舳板船十九號每號兵十二名督陣船一號

雜識

道光二十二年英兵既破吳淞分水陸進犯陸兵由寶山殷家

行犯北門陷之復以三兵輪溯黃浦江而上過閔行水淺乃止數日

踞上海之英人亦登舟去蓋進窺長江也是年江甯立約上海遂為

五口通商之一闢城北一帶為租界○咸豐間粵匪下竄大江以南

幾無完土賴上海無恙得以徵兵籌餉輾轉十年次第削平

寶山 小沙背附

衝要 極衝

鈴轄 屬太倉州寶山縣提標後營管轄水路屬海門內洋水師營

里距 東南距吳淞鎮塘路六里南距上海縣城陸路四十里西北距

獅子林礮臺塘路十二里西北渡崇明南門港江面五十里大船或
紆繞至八九十里

水道 寶山與崇寶沙間名南水道深七八拓塘外深三拓輪船常行水道

距岸約三里

潮汐 朔望日潮漲於十二點二刻十三分鐘大潮高一丈四尺小潮
高八尺

沙礁 東北有崇寶石頭諸沙

城鎮 寶山為東南名邑然富厚之家世居於鄉故城中氣象極形衰

江蘇沿海圖說

寶山

五

落

形勢 東南為吳淞西北為獅子林均建臺置戍兩處相距十餘里帶
海為塘寶山西北之小沙背介乎其間外有餘地可以涉足須防抄

襲

船隻 漁船二十餘號

勇營 光緒二十一年辦防城東南隅一營小沙背三營

綠營 額設千總一員兵六名

雜識 道光二十年及二十二年英人連寇吳淞縣城及小沙背俱戒

嚴二十二年
縣城陷

獅子林

衝要 極衝

鈐轄 屬太倉州寶山縣提標後營管轄

水路屬海門
內洋水師營

里距 東南距寶山縣城塘路十二里距吳淞口塘路十八里西北距福山水路一百五十餘里東北渡崇明南門港四十里大船或紆繞至百里

水道 北有暗沙攔阻故入江水道寬不及十里中間深七八拓輪船常行水路距岸約四里

潮汐 朔望日潮漲於十二點三刻五分鐘大潮高一丈四尺小潮高八尺

沙礁 東有崇寶石頭諸沙北面一片暗沙與佛壽沙相連

城鎮 東南有寶山縣城

江蘇沿海圖說

獅子林

六

形勢 長江口水道為崇寶沙歧而為二至此復合北有淺沙攔阻亦長江口一小收束惟船路稍遠礮位尙少難期得力

礮臺 獅子林礮臺光緒十六年建置八百磅彈阿姆斯脫郎後膛礮二尊二百五十磅彈阿姆斯脫郎後膛礮四尊十二生的克虜卜護臺礮二尊勇一百二十三名

勇營 光緒二十一年辦防礮臺左右駐盛字三營

崇明

衝要 極衝

鈐轄 屬太倉州崇明縣蘇松水師鎮標中營管轄水路屬右營內洋水師

里距 自縣治東南對渡吳淞口五十餘里中間為佛壽崇寶諸沙所阻大輪紆繞至八九十里北渡惠隆諸沙皆十里

水道 從前大輪進出長江口均由南水道崇寶石頭諸沙以南為南水道北為北水道近

年探明北水道亦深三拓以外故由南洋至者仍由南水道由北洋至者改由北水道船路較近自十漉以西至南門港深自三四拓至五六拓不等且距岸甚近南門港以西則為沙攔阻不能通行崇明北面水道有深至八九拓尚未及底者惟淺深不一其東西兩端潮退僅深八尺左右即西圖所謂假水道也

潮汐 十漉口朔望日潮漲於十二點十一分鐘大潮高一丈二尺半

江蘇沿海圖說

崇明

七

小潮高九尺

沙礁 近縣城前有佛壽沙東南有崇寶石頭諸沙崇明東西兩角均有沙尾入海甚遠北面淺沙尤多

島嶼 東有佘山東南有花鳥綠華野貓洞壁下陳錢枸杞四礁黃龍大洋山小洋山諸島

城鎮 縣城因海岸逐年崩坍西南隅距海僅四十餘丈全城岌岌可危近經築堤障護賴以無恙

形勢 長江口門極廣自有崇明中流扼要水道遂分為二北面淺沙節阻輪帆均難行南面從前輪船出入在崇寶石頭諸沙以南距崇

明尚遠近經海關查明北水道亦可行駛北水道係指崇寶諸沙以北輪路遂逼

近崇明若於二漉至七漉一帶酌建礮臺既足自固亦可兼顧入長江水道惟土質浮鬆工費較巨耳

船隻 大商船十餘號漁船七十餘號小船一千餘號

礮臺 當沙頭港西岸磚礮臺一所康熙三年建歷次辦防均加修築

見置土礮六尊又土礮臺一所光緒十年建已圯

勇營 光緒二十一年辦防新開河一營堡鎮一營四漵一營六漵二

營八漵一營桂林殿一營

綠營 額設總兵一員中營外海兼陸路遊擊一員都司一員守備二

員

水陸各一

千總三員

水陸一輪船一

把總五員

水陸四

外委六員

水陸五

陸防兵

一百八十三名艇船二號每號兵三十二名左營外海水師遊擊一

員守備一員千總二員外委一員艇船二號每號兵三十二名右營

遊擊一員都司一員千總二員把總四員外委五員領江船十二號

每號兵十六名

雜識 道光間英人寇吳淞常以兵輪遊弋海上間或登岸擄掠以志

江蘇沿海圖說

崇明

八

在深入旋棄而去

川沙 南匯附

衝要 次衝南匯又次衝

鈐轄 屬松江府提標柘林營管轄

水路歸外海水師六營輪巡○川沙南匯舊制各自為一營同治間

改為外海水師專巡外海以船為家所遺陸汛歸柘林營接管營官駐南匯其所遺南匯陸汛之與青村營相毘連者即歸青村營兼管

里距 西北距吳淞口五十餘里南距南匯五十里西距上海內河五

十里

水道 東面白龍港為廳屬汊港之最今幾淤成平陸潮漲時僅容小

艇此外近岸一帶均有淺灘惟礮臺前離岸半里即深三四拓南匯

沿海一帶沙灘尤寬

潮汐 朔望日潮漲於十一點三刻三分鐘大潮高一丈五尺小潮高

一丈

沙礁 北有鴨窩沙圓圓沙東有橫沙再東有銅沙禱禡沙牛皮礁雞

江蘇沿海圖說

川沙

九

骨礁

城鎮 僻處浦左不通商道城市氣象難期振興

形勢 左江右海為松滬之外屏由白龍港一帶登岸西至浦濱皆數

十里而遙從前建臺置戍防其抄襲固屬過慮然所築礮臺正對南

水道來路若能排列巨礮迎頭截擊亦足為淞防之先聲也

船隻 漁船三十六號南匯漁船數十號

礮臺 光緒二十一年辦防白龍港北面因塘為臺置阿姆斯特脫郎礮

四尊勇二哨事平並撤

勇營 光緒二十一年辦防白龍港北一營南匯泥城練軍一哨

綠營 額設千總一員兵十名南匯都司一員千總一員把總二員外

委二員兵六十名

雜識 城東約二里有欽公塘高約一丈再東有新圩塘高如之直接

南奉等縣有事可資捍衛○光緒二十一年辦防署上海兵備道劉
麒祥策敵由白龍港登岸西襲滬南之製造局時劉道兼辦局務始建臺置
戍事平議者多非之旋撤

江蘇沿海圖說

川沙

金山衛 柘林 奉賢附

衝要 極衝柘林次衝奉賢又次衝

鈴轄 屬松江府金山華亭兩縣提標金山營管轄舊制柘林自為一營同治間奏改南

匯川沙兩營為外海水師而以所遺陸汛屬柘林營營官移駐南匯
遞遺柘林營本汛就近屬金山營奉賢原屬青村營○水路歸外海
水師六營輪巡

里距 西距浙江乍浦塘路五十里東北距柘林堡城三十六里距奉

賢縣城七十里西北距涑涇縣令駐所四十餘里北距松江府七十餘里

水道 沿海一帶淺沙至金山嘴而盡潮退漁船尙可到岸距岸一二

里外即深二三拓至四五拓不等柘林奉賢水道稍遠

潮汐 朔望日潮漲於十一點二刻八分鐘大潮高一丈八尺

沙礁 沿海一帶均係淺沙寬二三里至三四里不等惟金山嘴獨無

近金山有暗礁兩處

江蘇沿海圖說

金山衛

十一

島嶼 東南有金山勝山龜山諸島

城鎮 衛內外居民寥寥東面金山嘴為漁船聚集之所遂成小市柘

林則茅屋數間而已原設通判移駐郡城惟奉賢稍稍繁盛

形勢 岸闊海深內無險阻由此登陸已拊松郡之背防守最關緊要

船隻 漁船三四十號

勇營 光緒二十一年辦防章字十營調自吳淞衛內駐八營東門外二營

柘林撫標三營

綠營 額設遊擊一員守備一員千總一員把總四員外委六員兵裁

存七十四名柘林千總一員兵一名奉賢都司一員千總一員把總

一員兵裁存六十五名

異名 龜山或名盤山又名外勝山

雜識 衛西十二里即江浙兩省交界處○二十一年辦防乍浦及奉

南川上等廳縣均經通電事平局撤綫杆猶存

江蘇沿海圖說

金山衛

海門 塘蘆港附

衝要 次衝塘蘆港又次衝

鈐轄 屬海門直隸廳狼山鎮標中營管轄 水路屬通州內洋水師營自塘蘆港以東歸外海水

師六營輪巡

里距 西距通州陸路七十里東距海濱百餘里南距江濱十餘里均

自廳署起計

水道 宋季圩角等港口均深四五拓南面距岸四五里為崇明西沙

尾攔阻此沙直伸向西與狼山淺沙相連沙尾上潮退僅深八尺半

自圩角港以東有探至八九拓尚未到底者惟淺沙節阻水道極曲

再東行至約能瞭見佘山卽有淺沙橫亘潮退亦僅深八尺左右東

面塘蘆港 北口卽西圖所記尚深三四拓今則潮退時褰裳可涉蓋

東面一帶均逐年增漲也

江蘇沿海圖說

海門

十三

潮汐 朔望日潮漲於一點一刻五分鐘大潮高一丈三尺

沙礁 東南均有淺沙東面寬至數十里

城鎮 廳治無城垣民廛集處僅同聚落西面里許有茅家鎮市面尙

盛又塘蘆港西北八里有聚陽鎮西南十餘里有惠安鎮地雖濱海

亦頗繁庶

形勢 長江口門吳淞居其南崇明居其中海門居其北論地勢南北

並重然一江之隔沃瘠懸殊且淺沙遙護輪路尙遠防務可緩○塘

蘆港水道日淺岸無準望輪帆視爲畏途

船隻 大小商船共約百餘號

勇營 光緒二十一年辦防署兩江總督張之洞擬駐勇五營同知王

賓以地非衝要上書稟阻惟募民團七百五十名分駐本署大脚港

口及東面兵田 兵田在塘蘆港北十餘里 三處

綠營 額設千總一員兵八名

雜識 民間田功頗爲講求十月滌場而後比戶致力溝洫行其野穆
然見古井田之遺風焉○廳屬地廣民稀東面尤甚濱海一帶不惟
人烟散疎樹亦罕覩

江蘇沿海圖說

海門

十四

呂四

衝要 又次衝

鈐轄 屬通州直隸州狼山鎮標中營管轄

水路歸外海水師六營輪巡

里距 西距通州水陸路各一百數十里距餘東場水陸路各六十里距餘西場水陸路各百里距金沙場水陸路各一百二十里東北至海七八里至二十里不等

水道 東北舊有泗港大樣長稍潑水四港見經淤塞不通舟楫大輪常行之路約遠二百里內河水道通通州海門餘東餘西金沙石港掘港等處

潮汐 朔望日潮漲於十二點一刻鐘大潮高一丈三尺沙礁 淺沙入海遠至數十里潮退露水面者亦十餘里

城鎮 呂四市面自道光以來漸形凋敝惟民廛尙為整齊東面有餘

江蘇沿海圖說

呂四

十五

東鎮較呂四稍盛

形勢 岸闊海淺船行無的防守可緩

船隻 外海漁船二十餘號

勇營 光緒二十一年由場募民團百名

綠營 額設外委一員兵六名

雜識 范堤以外田多蕪廢不治村落亦稀遇東北風勁時潮水漫至堤下

掘港 東凌港 河北汀 環港附

衝要 又次衝

鈐轄 屬通州如臯縣掘港外海水師營管轄

里距 西南距通州陸路九十里西距如臯百餘里東距東凌港口二十里

水道 掘港不通外海惟東面有東凌港其北七里有新港又三里有長沙灘口門雖經淤塞商漁船可由東南之麻蝦套隨潮而至又長沙灘北四十餘里有河北汀港又十里有環港潮退港內水深三四尺或四五尺不等○內河通通州如臯石港豐利呂四等處

潮汐 朔望日潮漲於十二點三刻鐘大潮高一丈餘秋汛時潮漲漫至距南坎鎮里許

沙礁 東凌港口有兩沙南曰南蛤蜊厦居民七八戶北曰北蛤蜊厦

江蘇沿海圖說

掘港

居民十餘戶均懸海中北面淺沙尤多潮退或隱或見

城鎮 掘港市肆繁盛房屋亦整潔此外如南坎及東北七里之北坎又三里之長沙灘皆係小鎮

形勢 港道淤塞淺沙橫亘防守可緩

船隻 南坎外海商船十餘號漁船三十餘號北坎商船十餘號漁船二十餘號掘港內河大商船十餘號

勇營 光緒二十一年辦防擬派滿字四營駐南北坎之間又水師一營駐河北汀及環港因議和不果掘港豐利兩場各募民團百名

綠營 都司一員千總一員無兵

掘港營自同治間改為外海水師以船為家擬設輪船一艘派都司一員管駕千總一員副之因暫未配輪該二員留守舊汛

新洋港口 鬪龍港附

衝要 次衝鬪龍港又次衝

鈐轄 屬淮安府鹽城縣漕標鹽城水陸營管轄

里距 口門西距划船港陸路六十里南洋岸北洋岸均八十餘里鹽城一百一十里水道竟紆至四百里

水道 新洋港口門潮退尙闊三十餘丈惟水道極曲且多淺沙大商船亦須乘潮方能出入口外有攔門沙又有大沙及五條沙商漁船之諳習水道者可由大沙以南之沙間行駛大輪則必須繞過五條沙由西北而至然亦止能於距口數十里外停泊○內河民船可由新洋口西行過鹽城北門外天后閘小船過鹽城東門外石碇閘均可通清江揚州等處南面鬪龍港淤沙節阻僅通小船

潮汐 朔望日潮漲於三點一刻鐘大潮高一丈餘

江蘇沿海圖說

新洋港口

十七

沙礁 新洋港口外有攔門沙東面有大沙及五條沙口內三四十里兩岸盡屬淤灘

城鎮 南洋岸人烟稠密亦成小市此外並無市集鹽城縣西門大街市肆頗盛

形勢 新洋港爲海門以北第一大口外有大沙並五條沙廣袤數百里輪帆往來南北皆遙爲引避惟兩沙西面與陸岸間有一深水道可行大輪由此登岸不獨西犯鹽城且可進窺清江斷我南北幹路故自此以北形勢又稍爲吃緊

船隻 新洋口漁船一百二十餘號鬪龍港漁船六十餘號鹽城內河商漁船七八十號

礮臺 光緒二十一年辦防划船港南洋岸均築土礮臺南洋岸置土礮九尊划船港置土礮四尊事平並撤

勇營 光緒二十一年辦防划船港駐鹽城營兵一哨南洋岸駐新兵
一營又漁團二百名南北洋岸募民團一千名

綠營 鹽城額設遊擊一員守備一員千總二員把總二員外委五員
兵三百六十九名巡船二號每號兵十八名駐新洋鬪龍二港

雜識 光緒二十一年春海州一帶居民恐日人由青口入寇多浮海

徙居新洋港南北洋岸

南岸曰南洋岸北岸
曰北洋岸未知取義

射陽湖口

衝要 次衝

鈴轄 屬淮安府阜甯縣南岸屬漕標鹽城水陸營北岸及水路屬淮揚鎮標廟灣水陸營管轄

里距 湖口西距鮑家墩百餘里距縣城二百餘里

水道 口門潮漲寬三里潮退寬二里深二拓左右入內漸淺口外淺沙遷徙無定口內自鮑家墩以東潮至一片汪洋非熟諳水道者雖民船不敢輕進

潮汐 朔望日潮漲於三點三刻鐘大潮高一丈餘

沙礁 近口有攔門沙大海中有大沙五條沙

城鎮 阜甯縣城南門外市肆頗盛近口無鎮市

形勢 口內雖難深入洋面漸無障護形勢與新洋港相類

江蘇沿海圖說

射陽湖口

十九

船隻 漁船四十餘號

礮臺 道光間英人寇邊鮑家墩一帶建礮臺數處嗣為海潮衝毀光緒二十一年辦防築土礮臺一所置土礮四尊

勇營 光緒二十一年辦防鮑家墩駐廟灣營兵一哨懲洋蛤蚧兩港募民團五十名

綠營 阜甯額設廟灣營遊擊一員守備一員千總二員把總二員外委五員兵裁存二百九十二名

異名 射陽湖又名廟灣湖

老黃河口

衝要 次衝

鈐轄 屬淮安府阜甯縣北岸屬淮揚鎮標佃湖營南岸及水路屬廟灣營管轄

里距 西南距阜甯縣城陸路約二百里西距佃湖一百數十里

水道 河身節節淤塞惟近口十餘里尚通水道潮漲寬約十丈潮退寬四五丈深四五尺遇淮運兩河盛漲時以此為尾閘

潮汐 朔望日潮漲於四點半鐘大潮高一丈餘

沙礁 口外有青沙紅沙攔門沙

形勢 論河道十餘里內已經淤成平陸惟海岸平行遼闊地方亦極荒僻宜加防範

船隻 河口漁船二十餘號

江蘇沿海圖說

老黃河口

二十

勇營 光緒二十一年辦防東坎駐馬隊一營八灘吳小集沈家灘王家灘共募民團一百名東坎等處募民團一百名

灌河口

衝要 次衝

鈐轄 南岸屬淮安府安東縣淮揚鎮標佃湖營北岸屬海州直隸州

漕標海州營管轄

水路屬漕
標東海營

里距 西南距響水口一百里西北距海州城二百里

水道 口外潮退止深三四尺十餘里外方有深水可泊大輪進口十

餘里深六七尺再進至響水口一帶則深至二拓餘

潮汐 朔望日潮漲於五點一刻大潮高一丈三四尺

沙礁 近口十餘里一片淺沙

島嶼 口外有開山

形勢 口門外淺內深惟海岸散漫略無遮護近年敵計日狡意在踞

中要而分竄南北則不惟海榆一帶形勢吃緊即灌河以南新洋以

江蘇沿海圖說

灌河口

二十一

北亦未容高枕也

船隻 灌河口漁船二百號響水口漁船三十號商船十餘號

礮臺 光緒二十一年辦防鯉架港築土礮臺二所置土礮六尊響水

口東面老莊湖口土礮臺一所置土礮二尊復林莊土礮臺一所置

土礮二尊響水口東街土礮臺二所置土礮八尊

勇營 光緒二十一年辦防灌河口陸軍二營水師一營鯉架港佃湖

營兵一哨響水口南北兩岸募民團四千餘名

高公島

衝要 極衝

鈐轄 屬海州直隸州漕標東海水師營管轄

里距 西南距海州城陸路九十五里距南城由西路六十里由東路
八十里距板浦八十里距清江浦三百餘里

水道 羊山南面深六七尺民船多泊於此東北距岸里許深三四拓
西北鳳窩山一帶及鷹游門深一拓左右

潮汐 朔望日潮漲於六點鐘大潮高一丈三尺

沙礁 東南埭子口淺沙闊至十餘里南面大板跳口闊四五里以漸
而窄至此幾盡

島嶼 東南有羊山小團山

形勢 海闊水深由此登岸至海州有二道其一南經大板跳繞黃連

江蘇沿海圖說

高公島

二十二

嘴西南經朱麻南城而至東門是為東路其一西南經宿城越虎口
嶺出五羊湖西南過大村亦可由南城而至東門是為西路再南經
板浦大伊山可襲清江浦形勢最為吃緊

船隻 漁船二十餘號

礮臺 高公島礮臺二所係舊設光緒二十一年辦防重修置土礮六
尊紅石嘴擬設暗臺事平乃止

勇營 光緒二十一年辦防黃九跳范莊壁虎山一帶共駐五營

異名 五羊湖原名萬金湖

墟溝 西墅附

衝要 極衝

鈐轄 屬海州直隸州漕標東海水師營管轄

里距 西南距海州城陸路七十五里距南城六十里距清江浦三百餘里

水道 口外有沙鴿子島島北面水深一二拓至西連島之龜山頭深六七拓至八九拓不等鷹游山與紅石嘴間曰鷹游門深約一拓東連島北面深七八拓西墅西北一帶止深一二拓竹島北面深三四拓

潮汐 朔望日潮漲於六點一刻鐘大潮高一丈四尺

沙礁 口外潮退沙灘約闊里許東連島北面有一礁曰姑山潮退微露水面

江蘇沿海圖說

墟溝

二十三

島嶼 正北有鴿子島西北有竹島東有鷹游山鷹游山有東西兩峯或因分名東連島西連島

城鎮 舊有墟溝城久頽

形勢 鷹游門水道雖淺大輪可繞過鷹游山由東北而至由此登岸經西路可至海州形勢與高公島相類

船隻 墟溝漁船約二十號西墅十餘號東連島約十號西連島十餘號

礮臺 光緒二十一年辦防就舊礮臺基安置土礮計西墅嶺一所置土礮三尊孫家山二所置土礮五尊黃石嘴一所置土礮三尊事平並廢

勇營 光緒二十一年辦防營家山壽器山大埕頭等處共駐五營又南三十七里之大村五營又南三十里之太平堰一旗海州東門外

孔望山一營又南五十里之大伊山八營墟溝募民團一千名西墅募民團三百名

綠營 額設外洋水師把總一員外委一員駐西連島內洋水師把總一員外委一員領江船一號共兵一百一十名

異名 鴿子島原名鴨島壽器山原名紫陽觀俗稱棺材山

雜識 光緒二十一年日兵輪二艘率民船三十餘號在鷹游山外及北面山嵐頭一帶測量水道本年德兵輪亦來西墅等處窺察形勢

青口

衝要 極衝

鈐轄 屬海州直隸州贛榆縣漕標海州營管轄水路屬漕標
東海水師營

里距 西北距贛榆縣城二十二里西南距海州七十里距臨洪鎮五十餘里

水道 口內水深一二尺至三四尺不等口外潮退一片淺灘沙船任其擱置口外沙間秦山西南一帶水深一二拓東北水道頗深大輪亦可停泊

潮汐 朔望日潮漲於六點半鐘大潮高一丈五尺

沙礁 口外淺灘入海極遠潮退均露水面不勝人跡南面有雞心灘潮退亦露

島嶼 近口東北有秦山

江蘇沿海圖說

青口

二十五

城鎮 口內有青口城又名和安圩巡檢駐焉市肆繁盛商賈輻輳為海榆菁華之區

形勢 青口與墟溝高公島同為海州門戶市面之盛亦為江蘇省北海岸之最近復北與膠州灣之德人為隣地方日形衝繁近口雖有淺灘須防由朱篷口等處繞道而至

船隻 漁船六十餘號范家口漁船一百四十餘號臨洪沙頭兩口漁船百號內河漁船四十餘號

勇營 光緒二十一年辦防青口城內兩營東門外龍王廟一營娘娘廟西南面一營西北面一營西門外三里廟一營北門外關帝廟一營

綠營 額設兵二名

異名 秦山俗名奶奶山

雜識 光緒二十一年辦防海州青口板浦三處始通電報然聞之局中人云此三處均入不敷出須由清江浦電局津貼亦足爲江蘇省南盛北衰之證矣○此間沿海一帶土性鬆浮僅宜二麥無溝澮以資蓄瀉雨暘偶不以時荒象立見閭閻旣鮮蓋藏民情亦復浮動比來連歲不登餓餒載途盜賊滿野撫字翦除兩皆乏術號爲難治

朱篷口

衝要 次衝

鈴轄 屬海州直隸州贛榆縣漕標海州營管轄

水路屬東海營

里距 西距贛榆縣城西南距青口城均二十餘里東北距山東山嵐頭四十餘里

水道 口內已經淤塞深處亦不過一二尺口外二里餘即係深水近秦山東北面可泊大輪

潮汐 朔望日潮漲於六點半鐘大潮高一丈五尺沙礁 口外畧有淺沙其質頗堅潮退可勝人跡

城鎮 口內西面有贛榆縣城內皆茅屋無市肆形勢 沙硬水深須防由此登岸南襲海州北犯沂州

船隻 大漁船數號小漁船三十餘號

江蘇沿海圖說

朱篷口

二十七

勇營 光緒二十一年辦防朱篷口無防營惟贛榆城內一營

綠營 額設兵二名

異名 山嵐頭或名嵐山頭

雜識 本年因山東教案德國大兵輪一艘泊秦山前兵弁由朱篷口

登岸往沂州數日仍由原處下船去○北面荻水口係江蘇山東交界處其東面山嵐頭可泊大輪較秦山為穩

劉河 以下係長江

衝要 次衝

鈐轄 屬太倉州鎮洋縣提標後營管轄

舊制劉河自為一營同治間創設海門內洋水師營廢劉

河營而以所遺陸汛屬提後營水路屬海門營

里距 西北距白茆口六十里距澆浦九十里東南距吳淞口四十餘里北渡崇明江面二十四里西南距太倉州城陸路三十餘里水路倍之

水道 口外淺灘入江甚遠輪船常行水道距岸十里中小輪船亦止能停泊五六里外近口處更有淺沙一道潮退僅深二尺若門之有闕也

潮汐 朔望日潮漲於一點鐘大潮高一丈四尺沙礁 口外淺沙寬約五里

江蘇沿海圖說

劉河

二十八

城鎮 劉河鎮在口內約六里市肆極盛

形勢 外接大江內達州城形勢亦極散漫惟河口有淺沙遙護大船不能近岸防務較鬆

船隻 本處商船止十餘號來自他處者常一二百號

鹽城沙船多泊於此

礮臺 光緒二十一年辦防口內西岸築土礮臺一所卑薄無用已圯綠營 額設提標後營把總一員兵三名海門內洋水師副將一員都司兩員守備一員千總兩員把總三員外委四員船十二號每號兵十六名

異名 劉河或作瀏河

雜識 南岸下游一帶惟此口淺沙最闊值東北風時浪亦甚大小艇登岸頗苦顛播

白茆口

衝要 又次衝

鈴轄 屬蘇州府昭文縣福山鎮標右營管轄

水路屬左營

里距 東南距吳淞水路一百里西距福山五十餘里

水道 江口白茆老鼠兩沙間向為輪船必道之路近年漸淤潮退僅

深八尺船路遂改由老鼠沙北面行駛距口岸八里

潮汐 朔望日潮漲於一點一刻十分鐘大潮高一丈三尺小潮高八尺

沙礁 近口有白茆老鼠諸沙

城鎮 口內三里有六河鎮係小市集

形勢 從前輪船出入必道於此船路既窄流力甚勁亦下游之天險

近年漸淤船路改向北行其險遂失

江蘇沿海圖說

白茆口

二十九

船隻 小船十餘號

綠營 額設兵一名歸濟浦汛兼管

雜識 水道未改以前輪船夜行至此必於左右停泊待旦而過辨日防時撤去浮筒怡和洋行商輪即在此失事

澚浦

衝要 次衝

鈐轄 屬蘇州府昭文縣福山鎮標左營內洋水師管轄

里距 東南距吳淞口水路一百三十里大船紆繞至一百四十里西
距福山二十五里西北距通州蘆涇港五十餘里北渡狼山江面三
十里大船或紆繞至五六十里內河距蘇州一百數十里

水道 長江自江陰而下均駛近北岸至此須折向南行輪船常行水
道距岸四里深四五拓至十餘拓不等從前江口有淺沙二道船行
其間路亦甚窄見南面之沙已經刷去可以暢行內河可通蘇常各
府潮退尙深數尺近處支河此為最大

潮汐 朔望日潮漲於一點二刻十分鐘大潮高一丈二尺

沙礁 北岸均係淺沙舟行須近南岸

江蘇沿海圖說

澚浦

三十

城鎮 近口有彭家橋鎮市肆尙盛

形勢 此間沿江一帶內距省會均不過百餘里名雖間道實則捷徑
而澚浦河道尤深亦下游要害之區

船隻 漁船十餘號商船之來自內地者常百餘號

勇營 光緒二十一年辦防澚浦東面沿江至徐六涇共駐五營

綠營 額設千總一員兵三名

異名 澚浦或名許浦

福山

衝要 次衝

鈴轄 屬蘇州府常熟縣福山鎮標左營內洋水師管轄

里距 東南距吳淞口水路一百六十里西距江陰陸路約一百里水路紆繞至一百數十里對渡狼山江面三十里大船或紆繞至五六十里內河距蘇州一百二十里

水道 西北面有諸沙攔阻欲溯江而上須先折向東行然後由窄水道向西北行

潮汐 朔望日潮漲於一點三刻十分鐘大潮高一丈二尺沙礁 西北有常陰沙近口亦有暗沙橫亘

城鎮 口內三里有福山城

形勢 據江陰之下游作吳會之外屏形勢亦關緊要

江蘇沿海圖說

福山

三十一

船隻 大小船隻約百餘號

礮臺 江口東西兩岸土礮臺各一所光緒十年建置土礮十二尊

勇營 光緒二十一年辦防福山南十餘里謝家橋一營

綠營 額設總兵一員左營遊擊一員守備一員千總二員把總四員外委五員領江船十二號每號兵十四名又督陣船一號

雜識 狼福對峙古稱長江關鎖今按兩山相距三十餘里而遙不足以資扼禦無關形勝惟福山密邇省會亦資屏蔽故至今視為重鎮

通州 此指州城而言州屬東面濱海之呂四場另列爲款不贅述

衝要 次衝

鈴轄 屬通州直隸州狼山鎮標中營管轄 水路屬右營內洋水師

里距 東南距濟浦五十餘里距吳淞一百九十餘里西距江陰一百

里距圖山關二百五十里距鎮江三百里距金陵四百四十餘里南

渡福山三十餘里大船或紆繞至四五十里均自蘆涇港起計○自

州城東至海門廳署 海門無城陸路七十里

水道 長江水道自進口均傍南岸行駛既過狼山即須駛近北岸輪

船常行水道距岸不及一里蘆涇港爲商輪停泊之所各小港寬均

不過二丈深二三尺窄而且曲無關要害惟姚港任家蘆涇三港之

旁均有陸路可達州城故言防務者遂以各港爲扼要之區○內河

通揚州泰州如皋等處

江蘇沿海圖說

通州

潮汐 朔望日潮漲於二點一刻鐘大潮高一丈

沙礁 西面有劉海沙東南兩面亦有暗沙惟南偏東有一深水道可

以行輪近燈杆處有暗礁 上置紅色浮筒

城鎮 粵匪之劫州城獨幸無恙故民居櫛比惟厦屋則不多見樓居

者尤少城止東西南三門自東門至西門市肆頗盛南門次之三門

外亦皆成市附近無大鎮○蘆涇港雖爲商輪停泊之所然行旅寥

落亦止茅店數家以待息肩而已

形勢 長江下游 指江北岸自海門至狼山均有淺沙攬護至此則沙盡水

深船路即折而向北距岸極近由姚港任家港蘆涇港等口登岸至

州城不過十餘里皆係坦途須防衝突

船隻 本處無漁船商船亦止寥寥數號惟內河由各處來者常百餘

號均停泊西門外一帶

礮臺 光緒二十一年辦防擬於任家港口建臺置礮嗣以土鬆中止
惟蘆涇港內陸路旁每數里築土礮臺安置土礮事平卽撤

勇營 光緒二十一年辦防姚港口二營天后宮一營蘆涇港一營任
家港一營

綠營 額設總兵一員中營遊擊一員守備一員千總二員把總三員
外委二員兵裁存一百一十四名右營內洋水師遊擊一員守備一
員千總二員把總四員外委五員領江船十二號每號兵十六名

異名 常陰沙或名劉海沙

雜識 江岸變遷此間爲最十餘年前暗礁尙傍岸邊近則離岸已三
里餘船路反行其內原設龔家圩之燈杆已淪於江又西面三十餘
里新漲淺灘橫阻船路水道亦紆而向北○東面狼山前西名狼山淺
沙寬十餘里至二十一二里不等潮退或隱或見其西南面亦多暗

江蘇沿海圖說

通州

三十三

沙故此間江面雖寬船路極窄雖西人之老於操舟者亦必循浮筒
而行因兩岸渺無準望也○常陰沙長約三十餘里闊十餘里盡成
沃壤四圍築堤高約八尺以防江水浸灌夏月水及半隄有市集數
處以居中之毛竹鎮爲最盛並有質鋪惟江匪時出沒其間或依此
爲巢穴居民雖知之而不敢問也近由狼山鎮派兵二哨駐防始稍
稍斂跡

江陰

靖江附

衝要 極衝

鈐轄 屬常州府提標江陰營管轄

水路屬長江水師瓜洲鎮標江陰營

里距 東距通州蘆涇港水路一百里距福山陸路亦約一百里水路

紆繞至一百四十里東南距吳淞口二百九十五里西距圖山關一

百四十五里距鎮江一百九十五里距金陵三百四十里

水道 此間江面寬三四里不等小角山前最窄止寬二里半輪船常

行水路距黃山大礮臺約一里半距小角山嘴礮臺約三分里之二

距北岸天生港礮臺約二里中間船路約深七八拓至十餘拓不等

亦有深至二十拓者

潮汐 朔望日潮漲於三點半鐘大潮高八尺

沙礁 此間江面較窄水受束約故無積沙下游距江陰約四五十里

江蘇沿海圖說

江陰

三十四

近年淤沙日增北岸逐漸崩坍水道頗紆

城鎮 江陰城距江濱僅一里餘南半城市廛亦尚稠密北半城頗有

曠地北岸靖江城東南距江濱七八里西南距八圩港口十餘里城

帶圓形而小氣象亦遠遜江陰也

形勢 論長江全勢自以崇川

崇明川沙

及吳淞獅子林為頭重門戶惟口

門稍寬雖已設為重鎮百密終恐一疎自此以上江面益復展寬狼

福對峙相距太遠不足以資戰守至江陰而地勢始有收束實為全

江關鍵今於南岸各山頂建築礮臺俯瞰中流最擅形勝又得北岸

各臺協力夾攻足資扼擊惟下游兩岸地勢平衍須防抄襲礮臺後

路必有重兵駐守輔以礮隊俾成犄角乃足言固

船隻 商漁船各數十號來自他處者常一二百號靖江漁船一百八

十號商船五十號

礮臺 南岸大石灣礮臺一所光緒九年建置十二生的克虜卜後膛
礮四尊八十磅彈瓦瓦司前膛礮二尊勇六十名又一百四十磅彈
瓦瓦司前膛礮一尊一百二十磅彈烏理治前膛礮二尊八十磅彈
烏理治前膛礮三尊均停操東山礮臺一所十三年建置八百磅彈
阿姆斯特脫郎前膛礮二尊三十七密里哈吃開司護臺礮二尊勇五
十六名小角山礮臺一所十三年建置八百磅彈阿姆斯特脫郎前膛
礮二尊三十七密里哈吃開司護臺礮二尊二十一年添建一座置
八百磅彈阿姆斯特脫郎後膛礮一尊勇六十一名又八十磅彈瓦瓦
司後膛礮二尊四十磅彈烏理治後膛礮一尊均停操小角山嘴礮
臺一所二十四年建置一百磅彈阿姆斯特脫郎後膛礮二尊勇二十
四名黃山大礮臺一所二十一年建置八百磅彈阿姆斯特脫郎後膛
礮一尊勇二十六名黃山頂礮臺東面三座二十一年建西面二座

江蘇沿海圖說

江陰

三十五

二十四年建置二百八十磅彈阿姆斯特脫郎後膛礮一尊二百五十
磅彈阿姆斯特脫郎後膛礮二尊一百磅彈阿姆斯特脫郎後膛礮二尊
勇七十五名小石灣礮臺一所尙係暗臺元年建置十二生的克虜卜後
膛礮三尊勇三十名又一百四十磅彈瓦瓦司前膛礮一尊八十磅
彈瓦瓦司前膛礮二尊均停操鵝鼻嘴礮臺一所二十四年建置二
百五十磅彈阿姆斯特脫郎後膛礮一尊一百八十磅彈阿姆斯特脫郎
後膛礮一尊勇三十六名又一百四十磅彈瓦瓦司前膛礮二尊已
停操北岸天生港礮臺一所八年建置一百四十磅彈瓦瓦司前膛
礮二尊少西曰柱江臺同時建舊制太低二十四年加高五尺置四
十磅彈勃休馬後膛礮五尊又一百二十磅彈烏理治前膛礮一尊
已停操又少西礮臺一所二十四年建置一百磅彈阿姆斯特脫郎後
膛礮二尊八十磅彈瓦瓦司後膛礮二尊勇五十二名十圩港礮臺

一所二年建置四十磅彈勃休馬後膛礮二尊一百四十磅彈瓦瓦
司前膛礮四尊內三尊停操勇四十五名又八十磅彈瓦瓦司前膛礮一
尊亦停操

以上停操之礮大小共十九尊亦尙可用因海上暫慶無事故不配
兵籍節經費

勇營 光緒二十一年辦防江陰防營時有調遣駐防稍久者則有廣
義廣保等十餘營分駐南北岸並下游蟠龍山一帶又南字七營駐
北岸靖江城南門外一帶二十年前有長勝果勝各五營到防未久旋
調北上後廣義四營廣保三營亦調防海
州大伊山

綠營 額設遊擊一員守備一員千總一員把總二員外委二員兵裁
存八十三名靖江額設守備一員把總一員外委三員兵九十四名
長江水師副將一員駐北門外都司二員守備三員千總十員把總十二

江蘇沿海圖說

江陰

三十六

員外委十六員長龍船二號舢板船四十三號每號兵十二名

雜識 江陰礮臺以鵝鼻嘴小角山黃山一帶最得形勢大石灣小石
灣舊制地勢太低稍爲受敵東面蕭山兀峙江濱能於山頂添建礮
臺既顧下游亦資迎擊惟必於左右添建輔臺與黃山聯爲一氣勢
乃不孤又北岸礮力亦尙覺單弱

圖山關

衝要 極衝

由下之說則本款可作次衝論

鈴轄 屬鎮江府丹徒縣提標鎮江營管轄

水路屬長江水師瓜洲鎮標孟河營北岸屬三江營

里距 西距鎮江水道五十里距金陵一百九十五里東距江陰一百四十五里距通州蘆涇港二百四十餘里距吳淞口四百四十里東北渡三江口十里

水道 此間水道南淺北深輪船常行之路距北岸天祿洲東生洲各礮臺止半里距南岸山頂各礮臺二三里至三四里不等船路深均在九拓以外江面寬二里至三四里不等太平洲西面夾江寬僅一里左右深則自五拓至六七拓不等惟東口有淺沙至深處亦止二三拓○北岸三江口有內河可通揚州等處

潮汐 朔望日潮漲於六點鐘大潮高六尺

江蘇沿海圖說

圖山關

三十七

沙礁 礮臺西南面

近南岸有暗礁

形勢 長江自江陰以上七十里有太平洲分水道為二支至此復會而圖山適當其衝因山建臺足資迎擊形勢之勝亦不亞於江陰惟節節設防分而力薄且江陰者長江之門戶也門戶固則堂奧自安故分力以守上游不如合力以守江陰

江陰以上若圖山象山及金陵之下關次第設防亦師步步為營之意何可輕議然竊謂防江與防海異防海宜整散互用防江宜整不宜散蓋敵無所施其繞越也今各處相距甚遠圖山與江陰最近亦一百四十餘里聲氣不相聯絡江陰有急上游之兵不及援豈江陰有失尙能引殘軍以救上游乎難之者曰長江關繫數省之安危設江陰不守而無後以繼之則破竹之勢成矣若金陵者尤恐乘機先入攻我無備效法人馬江故事不知合上游之兵力礮力以守江陰

敵斯望而氣沮入固難出亦不易也譬如一繩之細僅如指欲引而絕之烏獲有難色若縷縷而絕之婦孺優為矣無他合與分之異也
船隻 本處無船隻惟北岸三江口商漁船各百餘號此外各洲內尚各有商漁船十餘號或數十號不等

礮臺 龜山頭礮臺一所光緒二十三年建置四十五磅彈馬克生後

膛礮三尊

內一尊置五峯山頂在龜山頭稍後

兵二十一名大礮頭礮臺一所二年建

二十年改修置一百四十磅彈瓦瓦司前膛礮三尊又二所一建於二十年置二百五十磅彈阿姆斯脫郎後膛礮四尊一建於二十三年置四十五磅彈馬克生後膛礮一尊兵一百零四名二礮頭礮臺一所二年建十三年改修置一百二十磅彈阿姆斯脫郎前膛礮二尊八十磅彈阿姆斯脫郎前膛礮四尊四十五磅彈馬克生後膛礮一尊兵三十八名北岸天祿洲礮臺一所七年建置一百二十磅彈

江蘇沿海圖說

圖山關

三十八

阿姆斯脫郎前膛礮三尊

臺脚為水衝刷將淪入江東生洲礮臺一見擬畧移向後尚未興工

所七年建二十年改修置一百二十磅彈阿姆斯脫郎前膛礮三尊一百四十磅彈瓦瓦司前膛礮三尊兵六十六名三江口土礮臺二所係舊設置土礮二十四尊歸綠營兼管

勇營 光緒二十一年辦防圖山關及北岸東生洲各一營

綠營 原設把總一員自建臺設防後遂撤回城

鎮江 象山 瓜洲附

衝要 極衝

鈴轄 屬鎮江府丹徒縣提標鎮江營管轄

瓜洲屬揚州府江都縣督標城守瓜洲營○水路屬

長江水師瓜洲鎮標中營

里距 西距金陵水路一百四十五里東距象山六里距圖山關五十

里距江陰二百里距通州蘆涇港二百里距吳淞口四百九十里

水道 此間江面寬三里中間深十餘拓至二十餘拓不等象山前

船輪

常行之路深三四拓至五六拓不等焦山以北水道頗深惟焦山東沙尾

上止深二三拓和尚洲以北雖有水道可通三江口因太紆遠即民

船亦鮮行駛者內河由瓜洲至揚州清江可行小輪

潮汐 朔望日潮漲於七點鐘大潮高五尺

沙礁 焦山與象山間有暗礁四並淺沙又焦山西南角有礁向南排

江蘇沿海圖說

鎮江

三十九

列約遠三分里之一

島嶼 東面六里江中有焦山

東面有礮臺地勢太低後有高山最為受敵如必欲於此設臺亦當酌移於西

面山頂且可四擊其北有鷹山蜜山

城鎮 鎮江城內亦極蕭疎惟西門外江邊因闢為租界輪船皆此於

起卸貨物地方遂臻繁盛○城北沿江咸豐二年粵匪曾築外城十

年前已淪於江北岸瓜洲城亦淪

形勢 南為象山北為都天廟而焦山更兀峙中流以聯絡兩岸之聲

勢敵船到此可以三方夾攻地勢亦極險要惟上距鎮江不過六里

下游多支河可以北襲揚州南犯常州雖非破竹已等燎原矣○瓜

洲口在鎮江以上十里為揚州清江等處之咽喉

船隻 商船約八十號漁船六十號瓜洲口內商船約千號漁船百號

礮臺 象山口外礮臺一所光緒元年建十八年改修置一百二十磅

彈勃休馬後膛礮二尊十二生的克虜卜後膛礮二尊一百二十磅
彈烏理治前膛礮一尊四十磅彈勃休馬後膛礮三尊十八年添建
一所置二百五十磅彈阿姆斯脫郎後膛礮四尊口內礮臺一所十
年建置一百四十磅彈瓦瓦司前膛礮四尊東西兩峯礮臺各一所
二十三年建置四十五磅彈馬克生後膛礮二尊以上共勇一百九
十一名焦山礮臺一所同治十三年建光緒元年改修六年又改修
置十五生的克虜卜前膛礮二尊一百二十磅彈阿姆斯脫郎前膛
礮一尊一百四十磅彈瓦瓦司前膛礮一尊勇四十四名又西面暗
礮臺一所係舊設置九生的克虜卜後膛礮八尊已停操都天廟礮
臺一所元年建十九年改修同時西面添輔臺一所置二百五十磅
彈阿姆斯脫郎後膛礮二尊十五生的克虜卜後膛礮二尊四十五
磅彈馬克生後膛礮一尊一百二十磅彈勃休馬後膛礮二尊一百

江蘇沿海圖說

鎮江

四十

四十磅彈瓦瓦司前膛礮二尊勇一百零五名

道光十八年英人寇邊始於圖山關象山焦山等處安設土礮由京
口駐防及綠營派兵駐守光緒元年議於象山口內外增築暗臺後
歷試暗臺多弊十八年一律改暗爲明

勇營 光緒二十一年辦防粵軍萃字十營新湘四營湘軍南字三營
督標新兵五營分駐鎮江及象山一帶

綠營 額設參將一員守備一員千總二員把總五員外委八員兵裁
存一百四十三名瓜州營額設守備一員千總一員把總二員外委
三員兵裁存七十一名

雜識 道光二十二年英人由圖山關上薄鎮江屯艦北固山下山在
府城外東北隅登其峯全城形勢歷歷在目英人置礮於其巔而俯
攻焉遂破之復乘勝溯江而上東南大震

十二圩

衝要 又次衝

鈴轄 屬揚州府儀徵縣督標奇兵營管轄水路屬長江水師瓜洲鎮標中營

里距 西距金陵下關水路一百零五里東距鎮江三十五里冬月中輪須繞世業洲以南紆至四十餘里

水道 此間水道為世業洲歧而為二南水道深在八拓以外北水道深淺不一近十二圩前止深三拓左右冬月中輪均改由南水道行駛

潮汐 朔望日潮漲於八點半鐘大潮高四尺餘

沙礁 西面二十五里近北岸有礁曰鐵版磯

城鎮 此間為淮鹽出江之所故濱江一帶市肆頗盛街道長至二三里

江蘇沿海圖說

十二圩

四十一

形勢 十二圩亦江邊一大市鎮惟北水道較淺大輪率由南水道行駛中隔一洲尚非衝要

船隻 漁船數號小商船四十餘號小艇約百號由湖南等處來此運鹽者多至四百號少亦二百號

勇營 光緒二十一年辦防駐奇兵一營見留奇兵一旗彈壓鹽市
綠營 額設把總一員兵六名

金陵

衝要 極衝

鈐轄 屬江甯府江甯上元兩縣督標城守營管轄水路屬長江水師提標金陵營

里距 東距吳淞口六百三十餘里距通州四百四十里距江陰三百

四十里距圖山關一百九十五里距鎮江一百四十五里距十二圩

一百零五里西距蕪湖一百六十餘里距太平府一百二十里距安

徽界七十里

水道 自十二圩以上至烏龍山水道又分爲二支南水道較近深三

拓至六七拓不等江面亦窄因禁輪船往來北水道紆繞如大環寬

二三里不等深皆在九拓以外至近下關兩支合而爲一江面較寬

深十餘拓至二十餘拓○長江水道深淺均指冬月水退而言然上

下游每處不同以金陵而論冬夏相去一丈五尺至一丈七尺

江蘇沿海圖說

金陵

四十二

潮汐 朔望日潮漲於十點半鐘大潮高三尺八寸此係光緒二十四年十二月朔日在

草鞋峽所探聞春月潮汛較大

城鎮 江甯一城粵匪盤踞最久凡官舍祠廟舉燬夷之無遺留克復

後當事者慘澹經營迄今四十年始稍稍興舉而城北一帶仍荒涼

若村落焉○北岸有浦口城西圖誤爲江浦城地大而曠爲往來滁州等處

之衝道

形勢 自長江迎流而上至江甯有二道一繞八卦洲以北抵下關爲

正路八卦洲以南水道較淺窄僅通中小輪卽上所謂南水道也俗稱草鞋峽一由石埠橋登岸陸路四

十里進太平門爲間道而烏龍山適當水陸之衝前此曾於是處建

築礮臺特以布置未盡合宜旋令撤去卽慮下游未足深恃仍當於

是山諸峯量爲改築左江右陸俾資旋擊實爲近城扼要之區

船隻 漁船百餘號小船一二百號

礮臺 下關西面礮臺一所光緒六年建東面一所十年建置一百四十磅彈瓦瓦司前膛礮四尊一百二十磅彈阿姆斯脫郎前膛礮三尊一百二十磅彈烏理治前膛礮一尊四十五磅彈阿姆斯脫郎後膛礮六尊八十磅彈地藏礮二尊此礮能自升降不費人力勇一百六十七名獅子山礮臺一所二十一年建置一百八十磅彈阿姆斯脫郎後膛礮二尊八十磅彈阿姆斯脫郎後膛礮四尊四十磅彈阿摩士莊後膛礮二尊勇一百零二名富貴山在太平門內礮臺一所二十一年建置八十磅彈阿姆斯脫郎後膛礮二尊九生的克虜卜後膛礮二尊六磅彈馬克生後膛礮二尊勇四十八名幕府山老虎山礮臺各一所均二十一年建置一百八十磅彈阿姆斯脫郎後膛礮六尊八十磅彈阿姆斯脫郎後膛礮一尊四十磅彈阿摩士莊後膛礮四尊勇一百四十七名南門外雨花臺各山頂二十一年建礮臺數座有未及置礮者有置而復撤者惟西面山頂尚存四十五磅彈阿姆斯脫郎後膛礮二尊由附近衡字營兼管○烏龍山同治十三年曾建礮臺一所已撤對面江濱礮臺亦淪於江

江蘇沿海圖說

金陵

四十二

勇營 光緒二十一辦防江甯防營時有調遣留防者共十餘營分駐雨花臺觀音門太平門下關浦口等處

綠營 額設督標中營副將一員都司一員千總一員把總四員外委六員兵一百零九名左營都司一員守備一員千總二員把總四員外委五員兵六十七名城守左營副將一員都司一員守備一員千總二員把總四員外委六員兵七十二名右營守備一員千總二員把總四員外委六員兵七十一名長江水師金陵營參將一員都司一員守備二員千總八員把總九員外委十二員長龍船二號每號兵二十二名舢板船三十三號每號兵十二名

雜識 道光二十二年英兵船八十餘艘由鎮江進次下關時戰守兩
無足恃遂與議和英人索香港爲市埠廣州福州廈門甯波上海五
處通商並償烟價兵費一一如其所求兵乃已

江蘇沿海圖說

金陵

海島表 例言詳浙江表

江蘇海島表

長江口附近海島表 自崇明東南角起計

民居	關	長	距直	度偏	名島
餘三百	之四又里	半六	八七十	東偏微南	山洋大
鷺曰高面西移風遇穩船處六深澳仁東之兩江山大洋	里三又	里六	里七十	東偏微南	
戶百餘	里三	里三	里六十	東偏微南	山洋小
戶十餘	里三	里二	里七十	東偏微南	山泥黃
餘二十	里一	里二	里七十	東偏微南	山嘴刀薄
戶七八	里五分	里一	里八十	東偏微南	山箕筭
戶一二	里四分	里二	里八十	東偏微南	山蛇篠虎
	里五分	里一	里八十	東偏微南	山鞍馬
	里五分	里三	里八十	東偏微南	山鞍馬
	里五分	里三	里七十	東偏微南	山門中
	里五分	里三	里七十	東偏微南	山門西
	里五分	里三	里七十	東偏微南	山門小
	里五分	里三	里七十	東偏微南	山門將
	里五分	里三	里七十	東偏微南	山門後
	里五分	里二	里七十	東偏微南	山頭指大
	里五分	里一	里七十	東偏微南	山檔蓋鑊
	里五分	里一	里六十	東偏微南	山祠公姜
	里五分	里一	里六十	東偏微南	山子壳
	里五分	里一	里六十	東偏微南	山龜烏大
	里五分	里一	里六十	東偏微南	山龜烏小

民居	關	長	距直	度偏	名島	長江口附近海島表	江蘇海島表	名譯	名異	產土	地錨	隻船
	一里	又七分之四里	一百七十六里	南偏微東	三大唐	餅場枕頭山	大雄山			芋山	仁記東南	四五號
	一里	半一里	一百七十六里	南偏微東	小三唐	餅場枕頭山					澳並西北	兀然危石
		二里	五分之五里		山餅場	在山餅場	三角島			芋山	練軍西南	二三號
		二里	三分之五里		山頭枕	在山頭枕	大瀛洲			芋山		五六號
		二里	三分之五里		山邊半	在山邊半	角北東			芋山		三四號
		五里	六分之五里		山帽蒲	在山帽蒲	無			芋山		二三號
		二里	三分之五里		山連雙	在山連雙	角南東			芋山		一號
		二里	三分之五里		山青大	在山青大	無			芋山		
		一里	五分之五里		山青小	在山青小	無			芋山		
			二里		山人立	在山人立	無			芋山		
		一里	三分之五里		山唐	在山唐	無			芋山		
並有	十照時丈十二面距光光明鏡係燈上六三偏山小山大				山戰大	在山戰大	無					
			三十里		山戰小	在山戰小	無					
		二里	又三分之四里		山金	在山金	無			芋山		
		一里	三分之五里		山勝	在山勝	無					
			二里		山龜	在山龜	無					
		一里	二里		山白	在山白	無					
		之里	又三之一里		山瀆灘	在山瀆灘	無			芋山		
			里四十三		盤王野	在盤王野	無			芋山		
		戶二十	之里	又二里	山公徐	在山公徐	無			芋山		
		一里	三分		山鸞大	在山鸞大	無			芋山		
			里一		瓜冬爛	在瓜冬爛	無					
		二里	三分之五里		瓜冬小	在瓜冬小	無					
		戶四五	一里		山川上	在山川上	無					
			一里		山川下	在山川下	無					

長江口附近海島表
自崇南面
嶼東無幾附起計於金山

江蘇海島表

長江口附近各島

大洋山至唐腦山總名破裂島

名譯	名異	產土	地錨	隻船
山雄大		芋山	仁記東南	四五號
			澳並西北	兀然危石
島角三		芋山	練軍西南	二三號
洲瀛大		芋山		五六號
角北東		芋山		三四號
無		芋山		二三號
角南東		芋山		一號
無		芋山		
無				
無				
無				
無				
島亞派司				
無		芋山		
英必葉		芋山		
無		芋山		
無		芋山		
無				
無				
角北西				

民居	闊	長	距直	度偏	名島	名譯	名異	產土	地錨	隻船
	二里三分	之分又二里五	八里九	一百 東偏南	山南江	灣盜海名總				
		里一約南	山南江在	樁木楠	樁木楠					
		里一南東	山南江在	山頭饅	山頭饅					
	二里三分	一里	八里九	一百 東偏南	山柴	無				
		半里二約東	偏北山川下	在瓶花爐香	瓶花爐香	無				
		里八東偏北	山川下	在山洋半	山洋半	無				
	戶一之二	之分又二里五	二里五	八里九	一百 南東	無				
百西北礮有里十照時丈二水點燈漸漸二紅透塔山白	九三偏其霧並六六能晴十面距光滅明色白鏡係燈積					無				
		丈十數北西	山積白在	山積白小	積白小	無				
		半里一約西	山積白在	山紅	山紅	無				
	三里五分	之分又一里七	四里九	一百 南東	山窠鷹	島夫拉子格		矣餘外容幾房電尙塔除錐如頂小山○霧		歐地無膝乎蓋報有外燈然圓尖且甚是
		半里	半一里	里二百	南東	島雞窠				
			餘里東	山邊半在	山邊半小					
	戶千餘	里十一	里十九	八里七	一百 南東	山西西				
此角山金礁扁里約西北麥山麥有其最澳園沙面以居四	礁視北雞自擔有一北烘大烘大北盛為兩榮青北民礁					無				
		里一約南	澳關礁四在	山杆旗	山杆旗	山西東				
		里四南	礁四在	山郎馬裏	郎馬裏	山西中				
		里五南	礁四在	山郎馬外	郎馬外	無				
	餘五十	之分又一里五	半四里	六里八	一百 南東	島臣利馬		芋山		數號
		已燈設門馬王為礁與中蹟為山山山馬				無				
		撤塔土舊蹟門霸間四柱蹟門馬間柱與蹟				無				
		一里	六分又七	里五	八里九	一百 南東	無			
			離微角北西	礁四在	山槌練					
			里半角北西	礁四在	山石大					
	戶十餘	之一分又三	里三	七	里一百 南東	島司非脫名總	湖川名總	芋山		號一二

長江口附近各島表
自崇明東南角起計

江蘇海島表

長江口附近各島

一

二

名譯	名異	產土	地錨	隻船
無	心汀小			
無				
無				
無				
島尼司者		芋山		二十三號
無				
無				
島司好先		芋山	較南兩南北 穩港港北	數十號 屬江 蘇省
島司羅勃		芋山		一二號
島克羅勃	心汀南			
無				
無				
島鞍馬南	嶼岓名俗	稻芋山	澳西南 澳或南	數十號 孤峯氣勢 雄拔上勒 山海奇觀 四大字每 字徑可四 尺筆力蒼 勁下署小 字數行惟 明萬歷庚 寅春都督 八字隱約 可辨尚有 十餘字則 雨蝕苔封 不堪卒讀 矣
無				
島鞍馬小				
島鞍馬鞭				
無				
島爪				
無				
島鞍馬東	盡又嶼或 山名山名	芋山	子泊民環 澳箱船澳	號船客十 千漁號七八

江蘇海島表
長江口附近各島
四
自崇明東南角起計

民居	闊	長	距直	度偏	名島
淺至二拓	五拓處已	港近年漸	此儼同內	小輪船泊	陳錢亦名 嶼山又名 盡山言東 面諸島至 此盡也其 南為玉環 澳地極 穩漁船停 泊者常數 百號亦有 多至千餘 號者西北 箱子澳兩 山拱抱中 開一澳深 至五拓中
			里半口澳		灰山油 山場油
	十戶	二三	一里	二里	山下壁
					山頭羊
	戶十餘	之二	又五里	二里	洞貓野
守人看	三時	百戶	又三	二里	山盤大
					山盤小
看守	三時	戶十	三	一里	山漢章
看守	三時	戶十	半里	一里	山地湖
看守	三時	戶十	一里	又五里	嶼張
			半里	三	山青大
			里二	西	山青小
			里三	南	山籠雞
			里半	南	山旗彩
戶三百	時二	百餘	四里	又四里	山鳥花
海營	有霧	里十二	丈三	面二	花鳥
			一里	又六里	山浦東
	戶三四		五里	半	山子柏
	戶五六		三里	又四里	山遲遲
			半里	五	山南台
			半里	三	山橫三

民居	闊	長	距直	度偏	名島	名譯	名異	產土	地錨	隻船
	一里	三里	里十六	北東	山秦			芋山	西面	二十三號
			里十八約北偏東山秦在山牛車		山牛車	鞍馬邊名總		芋山	並東面 南面西面	二十三號
	二里三分	一里	里三十	南東	島竹	無鈕				可解也
			里八南東島竹在島子		島子	無其				
餘三百戶	二里	里十二	八四十	南東	山游鷹	山余	蛇又名茶山			
間石面與是之總營東海有連也兩一島西連日言之山鷹										
戶十餘	半里	一里	二六十	南東	山羊	有北退至東東東東北反與是足正而南流時大鳴風風風搖鐘沙西浮十南丈下水				深二尺又
			連相灘泥有南東山羊在山團小		山團小	此潮性亦				
			里十約外口河灌在山開		山開					

江蘇海島表
海州附近海島表
自青口起計

長江口附近各島

江蘇海島表

海州附近各島

名譯	名異	產土	地錨	隻船
無			民可西大可東 船泊南輪泊北	
無				
無				
無	島鴨			
無	連名西連名東 島西峯島東峯		小可西南 船泊南	餘者號十船大 號百小餘二漁
	面露退山日礁一 水微潮姑名暗	島西行山改商淺漸年路由口往民門 北連駛北由船大淤逐近之必青船為		數
無			民可南 船泊面	數號
無				
無				

